

gratia præscribuntur. Evacuationis, si in ventriculo humores contineantur, qui vel in ventriculo alimenti vitio geniti sunt, vel in ipsum ex aliis partibus confluxere. Reuulsionis gratia utimur in affectibus articularum inferiorum, ut dolore ischiadico, podagrico. Renum item & aliarum inferiorum partium affectibus. Obstant autem partibus superioribus, ut capiti, oculis, si ex consensu ventriculi non afficiantur. Pulmoni & thoraci non conveniunt propter periculum ruptionis alicuius vasis. Commode etiam in principio accessionis febrium putridarum usurpantur. Profunt quinetiam ad epota venena educenda, ubi purgantia, cum secum vim deleteriam per corpus vehant, minimè conveniunt. At post fungorum venenatorum, qui strangulando nocent, esum, non vomitoria, sed purgantia profunt.

Veteres frequenter vomitoria, maxime in diuturnis & contumacibus affectibus, exhibebant, vomitorio ex helleboro albo confecto. Solebant enim singulis mensibus semel vel bis vel sæpius etiam vomitoria sumere. Sunt autem vomitoria diuersa: Alia enim laxando, os ventriculi sinistrum, quod superius vulgo vocant, vomitum excitant, cuiusmodi sunt oleosa & pingua: quare communissimum est, ad imitationem Galeni *a*, hydræcum, id est, aqua tepida cum oleo ebibita. Alia humores incidunt, attenuant, detergant, ut est oxymel, syrupus acetosus. Alia humores ad superiores ventriculi partes attrahunt, ut est hellebori albi radix: Sed non nisi in robusto corpore helleborus,